

HEITSERIE KE ´ANENEME ME MEXEIYA TE MARIWAMETE.

´ut+arika tats+arí **Ley Federal de Telecomunicaciones y Radiodifusión**, yu ´in+arika pa+mekaku 256, m+k+ mana piku xaata tita tsíe heitserie mem+te he xeiya te mariwamete; kenetimati:

- Yetuiriyarieni ra ye huume tinai me tats+arí niuki wa+kawa, tsiere kekari tsíe kem+ti ´ane ra ye hukame, meeta kiekatari wa niuki tsiere wa yeyari ke maku ´ane nai me kiekari tsíe ti mieme.
- Pa+rit+arieni kepa+ m+ti ´ane ´ik+ yati ´aneme tsíe petiuyehani, p+y+we tsepá ke ´ane yu niuki m+yetua, tsepa ketiku ´eriwa yamutay+, m+k+ts+ yati ´anetsíe matsi kiekari tsíe wa+kawa neuyewetsé.
- Kem+ ´ane memiku xeyat+ka tats+ari niuki tuayamete mep+ka ´iku xatani kepauka xeik+a tixa+t+ m+tiyuye xatani ti tuiyat+, xeik+a mana p+y+we m+y+ku xatani niuki kem+ti ´ane kiekari tsíe mex+ka kem+reuy+ane wa m+rahane. M+k+ kepauka p+ta niuki muyuku xatani tiyetuat+ mex+ka tixa+ tiye xatat+, ´axa p+tiyuku ´enitri+k+re, ´ayumieme p+ka y+we, kepauka xewit+ yu xatsika tsíe meuye hat+wani tats+arí yu programa tsíe y+k+ p+ta niuki ´anuy+neme m+ku xatani, kepauka ts+ niuki muta wawiyarieni xeik+a ´ik+ he tsíe mieme, x+ka pa+ tiuyurieni ´aix+ p+ka ´ane mekata maikaku kem+ ´ane mem+ta ´enana. M+k+ me pei xeiya ti tetewakame Código de Ética, tats+ari haye miet+ kepa+ mem+teka huuni, m+k+ x+ka m+pa+ mekateka huuni tinai me mep+teku na miyarieni, m+k+ts+ ´ena ´ik+ tsíe pa+tineku ´uxa.
- Kepa+ programa m+ ´aneni m+pa+ xeik+a p+reyuku hanani, hau ´eriet+ mekateku xatani, tsiere kepauka x+ka me ´i patakuni meri pait+rí pa+ metiyuani, mem+te ha maikak+.
- X+ka tixa+t+ kama tiunake pepe xeiya heitseriekamek+ yapemu tay+ní, pekanieret+ ley reglamentaria kemaka taine;
- Yemek+ ´aix+ ´anet+. ´aix+ ra ´eniuriuk+t+, tsiere ´aix+ raye hek+k+at+ panayeneikani programa tsíe, tsiere kepauka xeika ya tewimek+ manaye neikanitsíe.
- Ke pauka manaye neikani tsíe tats+arí niuki tuayame muku ´ut+ka tsíe, p+yuku nama hau ´eriet+ pem+ nanaimarieka ha ku wiet+kaikaku a nuiwari tsíe, mex+ka ´a kíe tsíe, kepem+ti h+k+t+ni, mex+ka kepe ´a maiká, x+ka peti kuyeni, tsepa tsiet+ x+ka y+k+ pe ´aneni, p+kay+we xewit+ matsi nanaimaka.
- P+ka y+we xewit+ heitserie hakewa peme xeiya heimana mu ye mieni ´inanimat+, t+rí p+kawa nanaimaka, pareku yu nai me wa xeyani;
- Tsiere hipat+ leyes tsie maka ´uxa m+k+ tsiere heitserie m+ye mieni.

Tsiere tá, pa+mekaku ´in+arika 258 tats+arí mayemíe titewakame tsíe Ley Federal de Telecomunicaciones y Radiodifusión, te mariwamete kem+ ´ane mete kukuye ´ik+ heitserie mepe xeiya:

- Me pei xeiyani yu parewiwame me meiti ´eniet+k+nek+, tsiere x+ka teiwari niukieyak+ ka ti ´aneni peu ´utuarieni m+k+ niuki k+ meyuti ´eni+ri+k+t+yanik+, tsiere kem+ ´ane meka heu ´enana me parewiyani señas k+ meteta xat+arieni. ´Ik+ parewiya mepe xeiya+kani kem+ ´ane programas niuki memanu tuaya yu nait+ kiekatari me meiti ´eniet+k+kanik+, kem+ ´anets+ yeme wa+kawa te mariwamete m+ware xeiyani.
- P+y+ku xatani ´k+ niuki wa hetsie mieme, pa hek+aka tita mete hakumate, tita tsíe mete ´uximayatawe, tsiere puyuku xatani kename parewiya me heuye h+wá, tsiere ´aix+ ´iyari me xeyarieka.;
- Me pei xeiyani kepaukata m+k+ mete heuxatakuni me pit+arieka, ke meteku ´eriwa yamemait+kanik+, tsiere metewata xanet+ani p+y+we tats+arí me teuyu ter+wame defensores de las audiencias, tsiere concesionario reti xeiya+yeikat+ x+ka ´aku y+wem+k+,
- Me pei xeiyani hakewa ma yemieni guía de programación, tats+arí meuniuni y+wet+ teléfono tsíe, mex+ka internet tsíe kem+ ´ane ´ik+ memiku xaiya+ka niuki tuayamete, tats+arí wa hetsíe mieme kiekatari mete kukuye.